

誥授振威將軍穉圭府君年譜



嗚呼痛哉

府君竟棄

不孝

等而長逝耶痛

惟府君稟賦素厚雖因溼

致腿患然未疾

無礙本原

不孝汝筠

服官江右深以

府君

康健爲幸並竊計隔歲甲子重賦鹿鳴必可

歸侍承歡詎意忽得淋證漸發益劇罹此鞠

凶嗚呼痛哉伏念

府君經濟文章躬行實

踐一生行趨規步而絕無迂拘之迹並且廉

而不刻介而自和在京待師長盡敬而從無

一

干請在外與京師知交問遺從無囑託在籍

養痾絕不稍預外事凡所遇合皆由眞能知

己自爲翰林時卽極爲前大學士德州盧文

肅公所推重而前大學士歙縣曹文正公則

待以國士嘗擬以京察保薦外任府君親

往辭之時文正先他出未遇就同巷陶公臆

薊宅坐以待詢問何事謁曹相國府君以

辭京察答陶公訝謂人求京察不得君乃辭

京察何耶 府君曰自視非外任材耳曹文
正又嘗語人纂修館書總裁常以訛舛受過
每逢進書輒疑慮夜不成寐至過 府君進
書則坦然安寢也但辭京察仍授外任或謂
曹文正密保嗣聞之蔣公勵堂始知因

成廟御極面諭曹文正保薦堪以任用之員文正退
疏數人姓名未註考語意俟進呈時必奉

諭詢當面奏各員任用所宜及至呈單並未奉

二

諭詢也所保數人俱授外任道光初元以翰林侍
講蒙

特恩擢官蜀中嗣由監司薦升浙臬粵藩皆卓著

政聲歷任封圻輿廢舉墜勤恤民隱整肅官

常江西則數遇水旱偏災極力斡旋有某紀

事詩三章皆紀實也湖北則力除弊政極洽

民心辛丑仲夏馳驛赴粵道經武昌居民扶

老攜幼隨輿瞻送黃陂金殿珊侍御云我夫

子德政固浹人肌髓又值後政襯托是以百姓之想念我夫子若此及抵桂林駭見一切廢弛大非十年前情形極力整飭漸有起色詎因溼氣致患腿疾日益加甚奏請開缺調理家居以讀經史爲事而讀史尤喜漢書日恒手不釋卷嘗默誦四子書論

不孝汝策曰

人能熟讀論語自終身用之不盡又因

不孝

汝策

弱冠以前躁於科名並喜談兵

府君

三

以兵者凶事豈可輕談特舉七國時趙括爲戒並諭云我家自祖宗以來皆以讀書爲業所以傳家長久汝但專志讀書立身行事不愧於書方成爲讀書人至於科第功名自有定數也 府君詩古時藝靡不純粹以精然以此特試藝不甚重之著作極富率多散軼僅有珠巢存課一冊及散存若干首惟於製詞最爲專精自得萬陽羨詞律愈益精進久

之復別有神悟程公春海謂 府君詞聲律
精嚴爲詞家第一又謂 府君詞純是起承
轉合竟可作詞中八股 府君極以爲知言
戚屬贈楹帖有詞場推老宿金梁一冊卽論
餘事亦傳人之句誠非泛作輓語 府君著
有金梁夢月詞懷夢詞鴻雪詞退菴詞合爲
心日齋詞集其選錄前人者有十六家詞飲
水詞附劉公芙初詞合爲心日齋詞選飲水

四

詞尙未付剗刪氏餘俱鈔版惟 不孝等幼從
府君受書不知家事稍長則就家塾亦不
與聞外事今欲敘述行事以展哀思不能得
其萬一祇可將心日齋詞集珠巢存課心日
齋詞選彙裝成帙並謹就 不孝等所及見聞
與夫族中尊長及戚屬所稱述者按年詮次
如左用備

當世有道君子錫之誌銘以光泉壤 不孝等世

世子孫感且不朽


不孝孤哀子周汝 策筠泣血稽顙謹次

賜進士出身

誥授光祿大夫工部尙書

實錄館副總裁加三級姻世愚弟李菡頓首拜填諱

五



精效大卿大夫工部尙書

賜進士出身

不孝孤哀子周汝泣血稽顙謹次

世子孫感且不朽

實錄館副總裁加三級姻世愚弟李菡頓首拜填諱

賜進士出身

誥授振威將軍兵部侍郎兼都察院右副都御史
巡撫廣西等處地方提督軍務兼理糧餉兼
節制通省兵馬銜顯考穉圭府君年譜

府君姓周氏諱之琦字穉圭河南祥符縣人
家譜始祖公紹公諱晉卿仕宋初以經明行
修爲廬陵訓導扈駕南遷改紹興訓導秩滿
遂居紹興府學前東仰坊八傳至明會稽庠

六

生武功公諱駿是爲府君高祖配沈太君章
太君生羽皇公諱士鳳是爲府君曾祖配邱
夫人生候補通判燦如公諱文渙自會稽遷
居祥符是爲府君大父配倪夫人邵夫人生
伯元公諱世績乾隆乙酉科解元辛丑科進
士任福建崇安縣知縣是爲府君父配邵夫
人陳太夫人自羽皇公燦如公二代先以府
君仲父仲啓公諱世紹陝西興安府知府

贈朝議大夫配皆

贈恭人嗣以府君任江西巡撫兼提督恭逢

孝慈睿皇后六旬萬壽覃恩

贈振威將軍配皆

贈一品夫人伯元公

誥贈振威將軍配邵夫人

誥贈一品夫人陳太夫人

誥封一品太夫人伯元公生子二女一伯父廣東

七

卽用知縣以府君江西巡撫本銜

馳贈資政大夫次珩公諱之瑀乾隆甲午生居長

府君居次姑母乾隆丁酉生

乾隆四十七年壬寅一歲

是年七月初七日寅時府君生

乾隆四十八年癸卯二歲

是年出痘極稀

乾隆四十九年甲辰三歲

乾隆五十年乙巳四歲

府君幼聰穎極爲大父大母所鍾愛是年夏
夜臥轉側偶以足拂大父膝上次早始知府
君恐復睡熟誤觸夜臥潛以衣帶自縛雙足
大父晨起見之大爲憐感鍾愛益加

乾隆五十一年丙午五歲

大父隨時口授古詩府君輒成誦不忘遂從
大父受書

八

乾隆五十二年丁未六歲

乾隆五十三年戊申七歲

乾隆五十四年己酉八歲

乾隆五十五年庚戌九歲

乾隆五十六年辛亥十歲

乾隆五十七年壬子十一歲

乾隆五十八年癸丑十二歲

大父選授福建崇安縣知縣入都赴選時限

定府君每日功課雖日計不無作輟而月計
輒有加增
乾隆五十九年甲寅十三歲
大父挈家口并戚屬細弱赴崇安抵任之始
拒絕吏胥之陋規廉治捕役之豢賊遠近稱
快涖任甫踰月奉繳襄事秋闈以不習水土
途中得疾抵省之夕遽捐館舍時爲七月二
十六日家口聞報惶惑無策或謂當告諸同

九

官以謀歸計大母泣謂伯父曰汝父來閩曾
幾日豈能以麥舟之惠望之素不識面之人
且汝父一生介介未嘗乞憐於人今若窮而
爲此其無恫乎姑料量所有作速治裝仲氏
自必中途相援也已而崇安人士感念大父
清德爭致資斧而仲大父亦遣使來援遂得
扶櫬歸里仲大父並以歸里無立錫地以所
有汴城徐府街屋一區賜伯父爲業府君念

大父鍾愛棄養並見大母哀慟愁苦遂奮自
勉勵以期顯揚從伯父請業每日研誦自旦
至於夜分無間寒暑

乾隆六十年乙卯十四歲

大母擬速安大父窀穸或以爲不宜過於草
率應俟稍有資力方可舉辦遂厝於泮城之
南郊

嘉慶元年丙辰十五歲

十

是年冬補開封府學庠生學使爲編修改主
事後官大學士德州盧文肅公伯父亦試優
等補廩膳生

嘉慶二年丁巳十六歲

二月伯父生子汝笏

嘉慶三年戊午十七歲

科試詩古皆第一補廩膳生

嘉慶四年己未十八歲

從伯父附通許某明府館

嘉慶五年庚申十九歲

仍從伯父附館

嘉慶六年辛酉二十歲

伯父豪於文府君兼擅詞翰時稱開封二周
是年考試拔貢前場皆取第一以每場早詣
試院俱遲久而後啓門伯父聞同試人某言
末場更遲屆期前來約會伯父遂熟睡倦起

士

府君起候踰時大母訝其過遲催促始起而
盥洗飲食又越數刻始雁行出門中途聞學
使點名畢未見二周遲候刻許不到已扃門
矣遂不獲竟場

嘉慶七年壬戌二十一歲

從伯父附某館

嘉慶八年癸亥二十二歲

是年二月親迎吾母沈夫人於外王父常熟

沈筠堂公

諱

廷瑛湖南長沙府任所吾母爲

外王父次女長府君一年生於七月初九日

丑時十四歲失恃先是外王父官刑曹偶於

朝房見仲大父仲啓公與前左都御史大興

邵楚帆公

諱

自昌姻親情誼甚洽詢之金大

司寇

名

光第知楚帆公文爲伯父配仲大父

因述府君英年品學超卓外王父大悅立時

締姻是冬偕歸

七

嘉慶九年甲子二十三歲

二月

不孝汝筠

生爲聘外王父孫女母舅峻

甫公

名

崧基女

舅母蔣孺人與吾母極相洽
預約聯姻癸亥十二月舅氏

生女至
是聘定

是科河南鄉試伯父中第二名府君

中五十六名正考官爲翰林歙縣鮑公覺生

諱

桂星副考官爲部郎新城陳公玉方

諱希

祖同考試官爲修武大令温公

諱闕

嘉慶十年乙丑二十四歲

二月偕伯父會試同罷歸馮大令延府君課
子東家情誼厚而子則稱病常不就塾未容
過責乃以他故辭去大令致大衍之數以爲
修脯府君以課授無益力辭大令甚以爲歉
嗣以四十金爲大母壽不得已受之大令旋
署西平復以重幣來聘府君力辭復爲轉薦
通許書院十二月慶視大母六旬壽辰

嘉慶十一年丙寅二十五歲

三

是年就通許書院正月次男汝箴生二月伯
母邵夫人卒

嘉慶十二年丁卯二十六歲

是年就洛陽吳大令課授館正月姑母歸大

令王文雨公名洪鑄嘉慶戊午順天鄉試挑

取膾錄庚申舉人議敘知縣是冬府君自洛

陽歸領下患瘡甚劇旬餘膿洩始痊外王父

來汴

外王父由長沙府升汀漳龍道甫抵閩
省忽因長沙屬員虧空罷官後任山西

平陽通判升河東監掣同知

嘉慶十三年戊辰二十七歲

二月偕伯父公車北上寓開封會館府君中

二百四十二名大總裁為太傅大學士富陽

董文恭公吏部尙書無錫鄒公曉屏諱炳泰

內閣學士兼禮部侍郎正藍旗秀公楚翹諱

堃內閣學士兼禮部侍郎宛平顧公筠巖諱

德慶同考試官為內閣中書豐潤劉公諱燾

西

覆試一等

殿試二甲第四名

朝考入選

欽點翰林院庶吉士府君以從兄受業十年顧先

兄舉懷念先澤時深警惕五月長女生十二

月伯父繼娶陳夫人候選通判商邱諱栻公

女

嘉慶十四年己巳二十八歲

伯父會試罷歸府君散館一等授職編修兼
撰文充

起居注協修文穎館總纂移居地藏庵

嘉慶十五年庚午二十九歲

歲前除日濃陰雨雪元旦晴霽

朝賀時天朗日耀

特旨在京各官俱加一級二月移居賈家衚衕三

月外王父資送吾母挈

不孝汝筠

次男長女

五

入都四月母舅峻甫公赴試北闈來寓九月

報罷旋晉從姑丈

召試舉人直隸新城李公賓石

名

大壯來寓賓石

公人品詩文書法俱爲府君所推獎課授內

城時來小住

嘉慶十六年辛未三十歲

伯父會試罷歸是年大考翰詹府君考列二

等第二名

恩賜緞匹

嘉慶十七年壬申三十一歲入職

九月移居潘家河沿十月三男阿芸生

嘉慶十八年癸酉三十二歲

四月母舅峻甫公赴試北闈來寓六月阿芸

殤七月蒙

恩簡放山西副考官得譚昌言等五十八人母舅

峻甫公鄉試報罷吾母留俟府君差旋適值

去

九月望夜教匪滋擾內城局門搽拳越二日

捕平九月二十五日府君回京次日入母舅

覆命返宅十月母舅峻甫公旋晉

舅母蔣孺人時證甚劇外

王父專足寄書峻甫公疾歸未至而蔣孺人已歿吾母悼惜之至

十二月姑

丈王文雨公卒以姪子義爲嗣

嘉慶十九年甲戌三十三歲

伯父會試罷歸冬伯兄汝笏入郡庠

嘉慶二十年乙亥三十四歲

十月補授國子監司業母舅峻甫公遵例報
捐鹽場大使分發浙江十二月慶祝大母七
旬壽辰

嘉慶二十一年丙子三十五歲

是年定各省監生取同鄉京官印結錄科鄉
試從姑丈大興邵公名迪曾自館入都鄉試
來寓報罷赴館母舅峻甫公補紹興批驗大
使是年謝公向亭賀公藕耕俱簡放學政都

七

中知交常往來者爲劉公芙初名嗣綰錢公

心壺名儀吉董公琴南名國華潘公吾亭名保

恭常陶公鳧蘊名樑戚屬則章公薌國名保

濂是冬李公寶石捐館舍府君悼惜之至

嘉慶二十二年丁丑三十六歲

伯父會試報罷大挑二等伯兄汝笏隨侍入

都娶前江西瑞州府同知張公潤夫名珩女

維時京寓拮据府君稱貸集事吾母復遣使

乞資於外王父幸得成禮詎意新婦三日拜
母暮歸忽得癩疾兩旬天逝本爲汝笏完娶
以慰大母不料翻增懊惋汝笏續聘邵楚帆
公孫女前山東萊蕪知縣邵公葉之名延會
女是冬移居粉坊琉璃街

嘉慶二十三年戊寅三十七歲

大考翰詹府君以司成京堂例不與試仍與
諸同年會課伯父選授遂平縣教諭是年

丈

聖駕再詣

盛京祇謁

祖陵恭紀

五歌全韻七言古體詩一首

謹序

嘉慶二十有三年孟秋之月

皇上再巡

盛京殷薦

三陵一如典禮

清蹕將啓嘉澍應時爰暨

陪都並臻豐稔仰見

天

祖昭格

誠至斯孚臣幸際

昌期得與颺言之列不揣禱昧敬撰五歌全韻詩

一章用效賡歌之義謹拜手稽首

獻焉

維

皇大孝孝繼

九

志儀式

祖德揚

天和

帝車再駕斗東指箕尾佳氣星纏羅由來原巘溯

弓劍豈止般資勤

鑾珂昔歲旃蒙赤奮若

珠丘展謁陳象獻扳輪扶軫尙前日星紀旋幹如飛

梭著雍今更占戊茂

精禋不舉夫如何周人祀稷崇美報若祭河伯先滹

沱於昭

先烈式降鑒敢聽歲月仍磋砣時惟

御極廿三載珍符洊至圖席蘿匠成萬類其一治

軌同六幕無殊軻全收亭障控鹽澤更啓關

隘通雲伽梯山輦費致南越測海航玉來東

倭迢迢疆索跨俄朵渺渺城邑連蓬婆棧雲

三

成久撤巴峽楚氛浪已澄汨灑癸秋蠹蠱偶

肆毒潢池盜弄真么麼焱馳電掃功迅蕝驅

除那復煩繪箸料理耕鑿勉作息拂拭瑕垢

祛偏頗翼如縮版就繩直澤若礪石承沙劇

從教右序束儒訓更無左道崇聖慶光華糺

纒旦復旦儼濯冰鏡輝金鑪今夏

畿甸殷待澤

齋心默禱塵南訛清塵汎灑契冥漠膏雨應候滋

嘉禾

帝曰

天

祖此昭格其毋玩愒毋逶迤我將我享古所志

孝思錫類甯有它重臣先

遣察封守勦說早自懲欺詎祇聞鳧藻具筐篚孰

以鳩斂窮鞭鞮建申之月日甲子

翠旂曉颭風髮髻

三

蹕途弛禁任瞻就

溫旨澤物蠲徵科或全或半免租賦但有保惠無

煩苛芻蕘羣樂效供億屏屨豈或憂疾瘥從

臣恪然咸奉職整駸馬兼鈴羸

行輦旦開萬幾總封章閒日付遞馱

禁闈

帳殿其兢業華鐙丙夜明銅荷山海東去接豐沛

天根地脊歸晞暉龍盤虎抱百靈會

軒宮
媯隧瞻慘嗟

永陵天作峯

啓運溯源萬壑趨
岷嶓豐碑古字祕
丹篆瑞樹繁陰

交珊柯

福陵

昭陵勳華協

天柱

三

隆業雙破礮
渾河遼水互襟帶
興隆之嶺回盤陀揚

光飛文日月麗
函山絡野星虹控

寶城鼎峙極天峻
鑪峯欽嶂皆平坡
懿惟朱果兆嘉

瑞

列聖泉澗興皇過
其球肇域地有截
洪濛出日天無

波猗歟

太祖功載纘
犀函手挈揮

天戈明師四十餘
萬衆霆霓下掃
暗鶴駟大邦小邦

矢懷畏蛾伏育鞠降菱莎

太宗嗣祚猷允塞乃考昕鼓宣逢鼉

聖神文武仰

聲教威弧勁矢藏洛迦羣靈效順司典守更億萬禩

長撝訶

皇帝禮服嚴對越思成緝頌賡猗那奉常導儀贊
圭鬯樂府設業調管籥鐘特磬應律呂吟
則眇嚳行和鑼俎奇豆偶告嘉栗禮器大備

三

難縷覩有成迄用既禮假無疆

錫祉不戢難

大禮告畢秩羣祀金泥玉檢輝山河或稱發祥紀

靈異或號嶽鎮森軻莪天將巖壑配崑閩地

似瑤碧生章莪長留屏翰雄赤壤不比碑碣

修黃魔或疏河流覘象渡或朝海若窺龍渦

靈槎跬步接星漢僊島咫尺通蓬哥周原舊

考沮與漆禹蹟下視洵歸過外此功宗及勳

威南征北後名不磨羽儀昔已傳翩翩鼓鼙
今合思番番旂常紀美爵賞錫千秋貞石供

摩抄或

親或

遺循

舊典鼎牲豐幣旨且多金支翠旗交鳥奕蕭芳壁采

相噓呵

朝儀肅陳

三

御崇政嵩呼華祝聯青緇王公虎拜萃纓組卿尹

鷺踊揄絲紘貢爨獻雉各駢集瓊珩磬折佩

玉瑳鑪烟馥郁出

宸陛百和香接藻井茄次

御大政賦式宴珍和芍藥杯紅螺瓊漿法酒自

天錫紅醞綠醺白曰醴笙歌閒奏吟嘒嘒羽舞列

綴紛傴傴燕醕歡樂及更老南陽耆彥顏欲

酖宗潢詵羽首

申賚重者金布織繒綱百官

賜級各以等素絲五緘嘉委佗外藩之

賜示柔遠歸裝輦重增脂輜兵丁氓庶咸有

賜三農七校肩相摩前驅負弩美均服先疇緯未

勤耕蓑下暨囹圄悉矜恤振拔淹滯滯幽痾

何須叢棘占貫索但沐解雨欣破柳霑雲溼

露

澤普被驚鼓軒舞歌婆娑康衢擊壤自成節嬉以

三

含哺遊腹饜門前催租免闕戶田閒饁餉爭

提籬精鏐束帛太倉粟負戴不遺跛與踈有

婦機杼鳴軋軋有童腰鼓吟嚙嚙羅丹帕格

儘邀樂維古有戲如拋堦閭閻溫飽和氣浹

底用安樂誇行窩惟

盛京地田上上扶輿氣脈無爽蹉山川舊志樂

浪郡部落旁帶清泥塙瑤光下聚神草茁吉

貝遠賈純棉搓珠胎利自擅海蚌玉爪駿可

降天鷲豐貂跡履烏拉雪晶鹽色粲遼陽巖
松杉栝柏抗霄壑下者盤礴檜樾矧奇葩異
卉名有萬花時瑞錦團成窠薄言駟者在坳
野有騶有駉有駱驪大凌養息謹芻秣牧羣
未數岡牟駞其他動物各殊種有牙者豕無
角牦珍禽靈羽鳴協律網罟甯許施媒囿土
風物產入

宸詠藻績不假園客蛾

三

省方觀民式

家法上圖下築資切磋周巡秦禪豈足道僕隸斯篆

臣籀蚪

功宏禮備

詔旋蹕造父整御迴纒阿

六飛晨舉天宇朗

橋山

瞻顧重延俄

鴻釐昌熾

景福集西煬柳穀南牂河葩華璀璨日抱珥蕙脯

獵捷雲生鍋

奉先告至

太和

御懿爍鉅典光羲娥

微臣

濫竽忝槐序俊髦鼓篋

徵澗蕩橫經肆雅皆

至教埏埴何啻三搓授再拜稽首

三

訓旨繹寓規於頌懲媵嬰扣槃捫籥甯有補竊慕

魚直羞佞鮪抒情宣

德盡忠悃細流自比滢及荷欣逢

大典物交鬯祇率多士舞且哦

天庥

祖澤

帝萬壽珥筆長進卿雲歌司業

臣

周

恭

進

嘉慶二十四年己卯三十八歲

十月慶賀

睿廟六旬萬壽

嘉慶二十五年庚辰三十九歲

充會試同考官得羅宜誥等十三人伯父循

例迴避六月補授右春坊右中允七月

睿廟升遐府君以渥承

知遇並屢蒙

天

召對諷諭驚聞

遺詔哀感號呼隨班哭臨十月補授翰林院侍講充

實錄館纂修府君以伯父七上公車復遇迴避極爲

抑鬱而思念大母彌切移居珠巢街爲屋二

十餘楹尙爲寬爽以待迎養伯父亦擬次年

不與計偕俟春夏閒侍奉大母入都適道光

初元特有監司之命

道光元年辛巳四十歲

三月

特授四川鹽茶道乞假省覲四月到汴大母諭之
曰汝官京師或遷一階或司文柄我皆欣然
今此之行喜憂參半汝性愚直非外吏所宜
若能甘澹泊勵冰蘖之守無忘家居貧窶時
則庶乎免於咎戾也府君謹誌時爲不孝等
述之是月伯父自遂平歸汴定於夏秋爲汝
笏完娶次年仍不會試侍奉大母往蜀是年

完

正月外王父終於河東監掣同知任吾母擬
繞道赴晉叩謁外王父靈櫬母舅峻甫公候
於途次勸止七月至蜀初被命時都人稱爲
優缺抵任後不知其優安在嗣乃見優在代
銷積引府君以鹽宜取課場竈招商限引原
非良法代銷更屬雜亂遂詳定禁革

道光二年壬午四十一歲

是年四月大母至蜀伯父母伯兄嫂姑母姑

表兄並隨侍七月伯父歸汴舉辦大父窀穸
昔大父以祥符地勢平衍迫近黃河鄆陵縣
畧有岡阜故卜葬曾大父於鄆陵之侯岡十
一月奉安大父靈櫬暨前大母邵夫人靈櫬
於曾大父墓正向之左昭位同時奉二叔祖
仲啓公四叔祖季華公暨各配耐葬於曾大
父墓正向之右穆位十二月次女生

道光三年癸未四十二歲

三

兼署四川成綿道伯父會試中第七名分發
廣東卽用知縣十二月繞道至蜀府君以大
母年高伯父體弱擬請伯父留蜀大母自以
素體極健而伯父以貧病苦功鄉舉二十年
始得一第豈可不出行所學伯父遂定議赴

粵

道光四年甲申四十三歲

兼署四川按察使二月伯父偕伯母暨伯兄

汝笏赴粵三月爲 不孝汝筠 完娶伯父五月

至粵需次選刻自著制義尊美堂稿七月忽
捐館舍府君懼大母高年不禁哭子憶孫乃
忍淚侍奉亟遣使護送伯父靈櫬歸里接伯
母及汝笏至蜀始以實告大母雖悲甚然乍
見長孫已至亦復甚慰

道光五年乙酉四十四歲

兼署四川按察使有某生員以較息壞當商

三

門面邑令詳請斥革府君不允邑令晉省面
陳當商貧窘及某生員兇暴各情形府君以
較息細故門面亦值無幾何遽爲當商革一
生員令稱當商門面值五百金府君詰以五
百金置門面何謂貧窘卒不允八月長孫慶
益生 不孝汝筠 出九月母舅峻甫公卒十二

月慶祝大母八旬壽辰從父因之公至蜀祝

壽

道光六年丙戌四十五歲

三月二十四日川督行知准吏部咨開道光六年三月初四日奉

上諭浙江按察員缺著周

補授欽此具摺請

覲迎摺北上並聲明祖籍浙江會稽縣四月

侍奉大母登程爲

不孝汝筠

在四川藩庫報

捐監生五月初五日陝西寶雞途次奉

硃批著來見欽此道出西安吾母侍奉大母暫住

三

省寓府君同從父因之公並

不孝汝筠

起程

六月到京

召對奉

上諭新授浙江按察使周

祖籍浙江遷居河

南已有三世將及百年著無庸迴避欽此八月

十一日到浙接印任事某武秩素倨傲每延

客自踞上坐府君往見握手徑就客位某方

愧前此之失禮也杭州遇祈晴禱雨輒詣天

竺山府君請於撫軍改詣龍神祠九月吾母侍奉大母到浙十二月署浙江布政使

道光七年丁亥四十六歲

三月長女歸廕生王編修

名

沆前大學士蒲

城王文恪公子也文恪屢囑賀公藕耕致函聯姻大母到蜀後方允定是年吾母送女至京從父安之公同行六月返浙是月次孫慶杭生

不孝汝筠

出浙臬署西岳鄂王廟本岳

三

鄂王宅廟歸司書經理久失修府君特捐廉倡率衆書吏遂踴躍興工煥然一新勒石記之某袒庇同里人府君持正不撓銜之頗深已而忽極融洽久乃知爲帥公仙舟函責嗣在江右亦有此類惜其未聞帥公之教也九月署浙江布政使十月爲次男汝箴娶前江南山清裏河同知袁公

名

秉鈞女

道光八年戊子四十七歲

有晚戚以廣東知縣卓異赴部過浙語及粵
省上官輒呼字號府君謂友人曰此或是粵
省習氣然亦足見驕妄未幾果被叅劾十二
月歸蒲城長女歿次男汝箴婦袁氏患癩迷
不知人事

道光九年己丑四十八歲
正月兼署浙江鹽運使五月二十一日戌時
吾母沈夫人棄養吾母儉肅勤能府君深得

三

內助力嘗同侍大母述及義田贍族吾母慕
其義舉議俟資力稍裕做做爲之未及行而
病革臨終肫切致囑府君悲悼不忍與宴會
者年餘六月具摺請

覲七月三孫慶榕生

不孝汝筠

出是月十九日

奉

硃批無庸前來下屆再行奏請欽此次日浙撫行
知准吏部咨開道光九年七月初九日內閣

奉

上諭廣西布政使員缺著周

補授欽此具摺

請

覲迎摺北上八月十三日江蘇金匱舟次奉

硃批無庸來京卽赴新任應陛見時再行奏請欽

此返棹至杭命次男汝箴扶吾母靈輓歸里

從父安之公同行

不孝汝箴

同侍大母赴粵

十二月初八日接印任事某素鄙劣並慣於

三

把持媒孽極爲僚屬所憚府君到粵某語人

曰吾數十年老吏閱人極多今每見新方伯

必汗流浹背廉訪佟公鏡塘言有庸劣不職

之員宜加甄汰府君謂豺狼當道安問狐狸

會某以激事被辱遂勒令告病闔省稱快姑

表兄王子義補祥符縣學庠生是月伯母陳

夫人卒

道光十年庚寅四十九歲

二月從父安之公同次男汝箴到粵是年夏
伯兄汝笏扶伯母陳夫人靈櫬歸里從父安
之公同行購置祥符田十餘頃做做義田廉
訪佟公好言理學府君謂徒言無益必須躬
行佟公頗以爲然嗣見府君行事忽喟然曰
君不言理學而行理學斯爲眞理學也藩科
有蠹書擬斥逐而慮其在科久若徑行斥逐
必將匿亂卷宗使接辦迷茫於是不動聲色
三

先令檢某某卷皆越日始檢進斥其遲緩限
將卷宗逐案清理歸檔加籤登簿並親詣驗
訖始發其奸十二月二十七日調任粵撫行
知道光十年十一月十八日內閣奉

上諭廣西巡撫著祁墳補授未到任以前著周

護理欽此是日接印任事

道光十一年辛卯五十歲

某令初次進謁其人厚重樸實詢知爲魏敏

果公會孫與坐語移晷某令以府君嚮往名
臣垂青後人深爲感激持長卷乞題乃陸清
獻公手書祭敏果文府君以敏果公力薦湯
文正公陸清獻公而在生並未與清獻一面
此等知遇感爲祭文先儒親筆何敢贅題展
閱數過持還山西祁公竹軒撫粵嗣又同官
刑部並極相洽

道光十二年壬辰五十一歲

三

正月湖南江華猺滋事密邇粵疆籌辦防堵
三月初四日承准軍機大臣字寄道光十二
年二月十八日奉

上諭本日降旨將吳邦慶補授河東河道總督周

補授江西巡撫周 接奉諭旨著卽前

赴江西新任將此諭令知之欽此三月十七日

調到署員交卸廣西藩篆十九日赴豫章四

月十五日接印任事是月 不孝汝筠 侍奉大

母到署時因上年歉收辦理平糶又南贛捕費不敷奏借九江關盈餘生息津貼未蒙

俞允另奏巡撫司道捐廉津貼捕費七月爲次男汝箴報捐監生是年

恩科鄉試八月監臨文闈十月監臨武闈閏九月

四孫慶昌生 不孝汝箴 出

道光十三年癸巳五十二歲

正月江西鄭學使被劾卸事由巡撫暫行代

奏

辦新添營操速戰陣及捐製臺炮等項恭摺奏

聞竊照各營軍械最關緊要而火器尤爲制勝

之具原可千載不用不可一日無備江西界

連閩粵兩湖等省山川遼濶民風錯雜亟應

修明武備以裨操防 臣 上年抵任後查閱省

標及吉安臨江營伍如臺礮噴筒等項不但

向無此等器具弁兵等且有未知其名者 臣

每於接見各營將領詳加詢問惟調署

臣標

右營遊擊事永新營都司李步月久歷行陣

嫻習軍旅於施放擡礮等項最爲熟練兼知

製造之法並據開呈速戰陣圖及各械式樣

先令照造試演頗爲合式

臣

卽倡率藩臬兩

司糧鹽贛南各道暨南昌府共捐銀二千兩

飭委該署遊擊於右營設局購料興工並諭

該員一面鳩工製造一面就造成各械隨時

三

指授各營備弁俾令傳習兵丁

臣

於擡礮造

成之時卽傳省標三營已經諳習之弁兵面

加閱試連環施放捷速有準弁兵等得此利

器衆情鼓舞足壯聲威茲據該署遊擊呈報

共製造擡礮二百六十桿噴筒一百四十桿

雙手帶刀一百四十口矛頭四百箇並速戰

陣應用旗幟等件次第完工

臣

復親加查驗

各械俱皆錘鍊精熟堅固犀利如式合用酌

量分撥省標擡礮一百桿噴筒六十桿雙手帶刀六十口矛頭一百六十箇分撥九江南贛二鎮擡礮各八十桿噴筒各四十桿雙手帶刀各四十口矛頭各一百二十箇其旗幟等件一并酌量分撥並移詢該兩鎮如所屬營弁素無諳習者卽於省標熟練弁兵內派往教演仍由該鎮督率訓練以期一律精熟至每年操演需用火藥硝鉛價值約銀三四

四

十兩爲數無幾應自本年爲始由藩庫籌項發交年例採辦硝鉛委員帶買回江分撥配用除嚴飭通省各營務與鎗箭各技一體勤加操演並俟速戰陣演習嫻熟由臣查閱隨時具奏外所有捐製擡礮等項分撥各營操演緣由理合恭摺具

奏伏乞

皇上聖鑒再臣上年考驗各兵弓馬雖中靶儘能

合式而弓力不免稍輒終屬無裨實用當卽
通飭各營步弓務以六力爲準並由臣捐製

六力八力十力官弓十餘張遇校閱及考缺

等事皆以官弓命射半年以來漸多挽強命

中之人臣仍督飭各將備實心訓練斷不敢

以南方風氣柔弱爲解稍從遷就以期仰副

我

聖主整飭營伍綏靖地方之至意合并陳明謹奏

聖

硃批務要實力訓練不可日久生懈欽此夏潦爲

災勸諭紳富平糶捐資並奏賑濟南昌新建

進賢德化德安瑞昌湖口彭澤鄱陽星子建

昌等縣被災貧民銀共六萬八千餘兩并另

查給修費工本及緩免錢漕俱蒙

俞允七月覆奏黃侍御條陳地方事宜竊臣承准

軍機大臣字寄道光十二年閏九月二十五

日奉

上諭據御史黃爵滋奏江西盜匪繁多臚列各條
請飭查辦一摺著周體察情形詳悉妥議

認真辦理務期戢奸禁暴以安善良毋稍姑容
致養癰貽患該御史原摺著抄給閱看等因欽

此臣卽欽遵督飭藩臬兩司移行道府州縣

各就地方情形悉心體察查辦茲據稟復由
藩司桂良臬司程懷璟鹽道余正煥會覈議
詳前來如該御史原奏州縣繁簡不一一邑

望

之中有無習教爲匪窩藏盜賊全在甲長之
查報若甲長不端必相隱護宜令各村有品
紳耆查明端正有業之戶方准舉充設有盜
匪不報將甲長從嚴治罪汎兵不得以羸弱
充數一條臣查保甲原爲詰奸緝匪而設江
西各屬所設地保坊保甲長里長鄉約練約
等類名雖不一其實皆保甲也凡有命盜搶
竊案件先由地保等報官其所管界內獲有

匪犯究明地保等知情不報卽治以故縱之
罪如係失於覺察則治以失察之罪例內均
已載有明條乾隆七年前撫臣陳宏謀又於
保甲外設立族正之法令各族公舉平日爲
人正直端方者報官查驗立爲族正教誨族
衆如有乖戾之徒小則處以家法重則送官
究治二三年內族衆並無違犯分別給扁獎
勵倘怠惰狗私立卽斥革另舉接充法便易

呈

行前於御史熊遇泰周作楫條陳案內經前
撫臣韓文綺吳光悅先後查議

奏明仿行厯辦贛南會匪命盜各案多有紳耆
族正舉發卽本年龍南縣拏獲廣東匪犯謝
土生等被匪黨謝觀宗等細差圖搶亦經紳
士等尋獲交案解粵審辦經臣附片奏

聞是族正之法頗已行有成效蓋族正無論紳耆
士庶旣爲一族之望卽可舉充人皆樂爲地

保等類責司緝捕紳耆人等目爲賤役絕少
往來其人端正與否已難知其確實且小村
小鄉未必概有紳耆稍有恒業者均不肯充
保如令紳耆查明有業之戶舉充必啓抑勒
之端轉恐有滋紛擾所有保甲仍請照舊辦
理毋庸紳耆保充嚴飭慎選汛兵不得羸弱
充數力行族正之法以靖奸宄而安地方又
如該御史所奏丞倅佐雜各官應酌量移駐

置

扼要地界如錯互接壤之區遇有竊刦之案
必互相推諉若於省郡交界責成同知通判
等官州縣交界責成縣丞巡司等官會同兜
捕倘有疎縱牽制一并叅處一條臣查江西
同知通判以及縣丞巡檢典史多有督捕分
巡之責盜賊竊發例應會督查拏如有疎縱
一并參處其連界鄰境者亦必登時移會協
緝至各州縣界址向有一定遇案諉卸立勘

便明從前贛州通判原駐郡城嗣因大湖江
緝捕緊要奏明移駐近年私鹽充斥又於扼
要之區添設卡巡或量爲移駐上年查有宄
員八缺業經

奏裁此外均係駐札要隘別無應行移駐之缺
如果將來實有今昔情形不同應行移駐者
臨時再行酌辦又如該御史所奏盜匪聚衆
作會竟有地方生監鋪戶送禮預讌藉通往

呈

來方免戕害山野鄉僻匪則逼勒斂錢公然
占據威脅利誘應令地方官嚴切曉諭如係
劣生刁監與匪交逼者從嚴懲治至懦弱愚
民雖當時被脅事後卽行首報免其治罪一
條臣查匪徒拜會威脅利誘鋪戶鄉民恐被
戕害逢年逢節送給錢米並有棍徒藉端斂
錢強丐占據地方不許別丐進乞原有與該
御史所奏情形大同小異者是以厯辦搶劫

窩竊拜會訛詐賭博販私等案凡有生監職
員書役兵丁在內無不從嚴懲治其逼脅勉
從或事後首報概行分別照例減免歷有達
部案據可查現仍通飭剴切曉諭實力訪查
辦理又如該御史所奏州縣遇有竊盜重賊
往往規避處分從輕減估遂有盜匪之勒贖
交通差役指引現在南昌撫州臨江一帶此
風盛行應嚴飭州縣覈實究辦一條

臣查盜

吳

劫處分原不計贓之多寡無所規避江西州
縣遇有竊盜賊重之案均係傳牙眼同事主
估計如有減估事主亦必呈控惟竊盜勒贖
不僅南昌撫州臨江一帶卽別府州屬亦所
在多有歷經隨時懲辦此風終未盡絕現仍
通飭覈實估報認真訪拏如有書役交通指
引情弊從嚴懲辦又如該御史所奏贛州府
向設重鎮無如武弁廢弛營務以致兵丁交

通盜匪凡局賭窩倡販食鴉片賣放私梟等
事無所不爲卽如贛州府聚衆開堂之案風
聞竟有兵丁在內應嚴飭武弁認真整頓隨
時查究一條臣查上年奏辦贛州府屬郭二
仔等藉荒聚衆開堂一案查無兵丁在內惟
南安府屬伍俚沅等開堂案內有革兵吳茂
松等隨同滋事業經奏辦又興國縣兵丁鍾
學懋在泰和白羊坳卡受賄縱私經臣將該

等

營千總李天林奏叅革職並將鍾學懋照例
擬徒在案此外各營弁兵內有犯局賭窩倡
縱私販食鴉片者均係隨時懲辦其本管武
弁約束不嚴者亦俱隨案叅劾現已移行鎮
營認真整頓有犯必懲臣仍隨時稽察如有
玩縱滋事者據實叅辦又如該御史所奏盜
匪頭目糾合至於數省且有不肯生監積蠹
差役俱入會中每會則爲首者冠服陞坐尙

有小頭目十數人不等皆戴頂披紅執鞭侍
立大衆羅拜有刑法有條約捕役營兵皆其
耳目應令協同營弁力捕頭目加等治罪不
得指乙爲甲顛預塞責一條臣查江西歷辦
擔匪邊錢等會案內有序齒推年長者爲老
大亦有不依齒序推起意結拜者爲老大以
下自二肩至數肩並十餘肩不等或用錢一
文分爲兩邊或用木棍或用鞭竿以爲號召

哭

聚散通信之憑設立禁約如有違犯聽老大
傳喚責罰歷辦有案雖無戴頂披紅大衆羅
拜之事其餘情形似與該御史所奏大致相
同是擔匪如此別項會匪既有生監兵役在
內焉知其不添出兇惡情狀仿而行之臣已
密飭地方文武各官認真訪查如果實有此
等匪類嚴密查拏據實稟辦其從前失察之
咎尙可奏懇

聖恩稍從末減倘始終玩視不將頭目拏獲指乙
爲甲冀圖顛頊塞責一并嚴揭叅辦又如該
御史原奏盜匪私梟本屬兩途今南贛吉安
一帶往往有梟船架設木礮沿江拒捕迨私
鹽賣畢撒手回空則四散搶劫是私梟盜匪
合而爲一矣若徒緝私梟則私梟斂而盜匪
益縱宜力捕盜匪則盜匪散而私梟亦靖一
條臣查江西各屬盜案近年破獲者居多尙

完

無訊有與私梟合而爲一之案惟南贛吉安
一帶私梟拒捕獲有礮械之案不一而足屢
經懲辦其獲鹽不獲人之案人雖逃脫贖本
蕩然無可謀生流爲盜者在所不免梟販旣
爲強盜且與別梟平日熟識難保不合而爲
一總之整頓鹺綱查拏盜賊事無偏廢如果
卡員潔已奉公則私販何從透漏州縣盡心
緝捕則匪徒何自萌生有治人無治法全在

奉行實力不在多設科條

臣仰荷

恩慈委任具有天良凡此職守所關惟有祇竭愚忱力圖整頓斷不敢因循玩忽自外

生成以冀仰副

聖主戢暴安良諄諄誥戒之至意合將查議緣由

恭摺覆

奏八月二十一起程入

覲十月到京蒙

奉

恩召對溫諭

陛辭出都本擬乞假歸省先瑩忽在園寓心動

因不復陳請急返豫章都門訪章薊國不遇

詢之家人謂往山西措辦度歲之資府君以

二百金留其家出都後遇於中途章薊國述

其空勞往返匆匆數語別去及返京寓忽見

度歲有資也十二月初十日回任值大母小

恙已旬餘見府君歸推枕起謂府君曰吾疇

昔之夜夢汝亾室語汝赴京大寒冷又言多
著衣可無恙吾意汝病也吾是以病也今見
汝卽愈矣前置義田經理屢難其人族中或
不以爲便請於大母悉以所買田分授無產
親族各爲己業自耕自食又以田數百畝莊
屋一區付伯兄汝笏而令汝笏奉伯父所受
仲大父仲啓公賜屋歸因之安之兩從父

道光十四年甲午五十三歲

至

前冬途次感寒患惡寒胸悶不思飲食醫誤
用黃芩等寒涼之藥患不減而更增嘔吐腹
痛徧身時起疹粒正月二十八日奏請

賞假一月巡撫關防委交藩司桂暫護踰期未痊
奏請開缺調理四月十七日奉

硃批另有旨欽此同日到三月二十八日內閣奉

上諭周

奏假期已逾懇請開缺一摺周

著再賞假兩箇月安心調理一俟痊可卽著接

印任事江西巡撫仍著桂良署理欽此五月二十
十二日病痊接印時值水災奏請賑濟南昌
新建豐城進賢清江峽江廬陵萬安吉水建
昌德化德安上猶等縣被災貧民銀共四萬
四千八百兩俱蒙

俞允是年正科鄉試八月監臨文闈十月監臨武
闈

道光十五年乙未五十四歲

五

是年夏大母命

不孝汝筠

汝母逝已七年汝

父篤摯至今不置侍姬今當圖之

不孝汝筠

乃於鄉試之便先繞道至常熟託舅氏訪定
無錫張氏七月送歸大母甚慰卽命府君置
爲簪室是年

恩科鄉試八月監臨文闈十月監臨武闈次男汝
箴中河南鄉試副榜十月汝箴因婦袁氏癩
病不痊納妾吳縣楊氏是冬錢公心壺由粵

東赴汴主講大梁書院道經豫章十二月慶
祝大母九旬壽辰

道光十六年丙申五十五歲

二月二十一日接准部咨道光十六年二月
初三日內閣奉

上諭湖北巡撫著周

調補欽此具摺請

覲三月十四日調到遞署各員卸事起程迎摺

北上某紀事詩三首附錄於此吾鄉原瘠土

三

去歲况奇災江漲鼃鼃惡田荒雁鶩哀迴瀾
無善策造福有高才五月猶平糶西川運米
來入伏吟雲漢韋公慮又煎郊壇勤步禱父
老識心虔甘澍連三日精誠格九天謳聲聽
處處喜雨兆豐年棘闈文戰地大典重監臨
一盞茶香細三條燭影沈巖扁符調水救急
藥捐金嘯月南樓畔關防費苦心十八日安
徽舒城途次奉

硃批卽赴新任屆期奏請欽此四月初九日到湖

北省城接印任事訪聞某處班館素濫立飭

禁撤

不孝汝筠

於是月侍奉大母到署八月

五孫慶夏生

不孝汝筠

出

道光十七年丁酉五十六歲

湖廣訥制軍查閱湖南營務途次奉

旨降補湖南巡撫具奏將湖廣總督關防委交湖

北巡撫兼署二月十五日接印三月林文忠

語

公總督兩湖士庶有浪大舟難撼風多樹不

搖之句具見一時督撫俱洽輿情雜職列班

叅謁忽一員越次進前自稱是在籍某相之

戚並呼字號屈一膝云某某先生寄安府君

訝甚飭以巡撫豈當在籍中堂寄安如有要

語應必致書縱或口傳應稱中堂戚屬或私

稱字號今在公所廣衆中何得褻稱字號先

生繆妄之極申飭退去是年正科鄉試八月

監臨文闈並會考拔貢十月監臨武闈

不孝

汝筠

中河南鄉試舉人

道光十八年戊戌五十七歲

正月

不孝汝筠

入都會試既報罷因事尚留

京寓四月二十三日接到家書驚聞大母於

是月十二日寅時棄養卽日出都迎至確山

途次遇府君暨承重孫汝笏扶櫬歸里五月

中旬至汴入城治喪賃居汴城火神廟前街

妻

是月次孫女生次男汝箴庶出十月

不孝汝

策

生十一月奉大母靈櫬合葬於大父墓並

耐葬三叔祖於大父墓左昭位葬之次日歷

視墓址見道旁白楊置有陶器香爐鄉人指

謂此樹有神疾病求藥輒有細屑灑下接取

水和服之立瘥府君命撤去香爐語鄉人曰

如非有人捏造卽是妖物憑附再爾當伐此

樹無使惑人嗣聞鄉人傳言後有禱者竟無

細屑

道光十九年己亥五十八歲

七月移居新置河道街屋並置通許田十餘
頃八月友人會稽監生陳瀚自願以長孫慶
益爲長女婿四孫慶昌爲次女婿府君許之
遂聘定並爲次孫慶杭聘同邑廣文高賜祐
之女爲三孫慶榕聘紹興監生錢式如之女
五孫慶夏聘嘉興茂才錢聚頴之女是冬與

二
巽

錢公心壺論族葬昭穆錢公答書曰前吳子
晉來知兄省墓鄢陵適鴻雪嚴寒昨聞從者
已還省垣勞苦無恙否念念吾兄讀禮餘暇
講求宗塋之法族之未葬者以時舉襄甚善
甚善承詢古族葬昭穆以其班附趙氏圖說
外它書有可參攷否儀吉竊以一區之地形
勢有廣狹昆季有衆寡或星曜順逆或事勢
遷移若不能盡以昭穆限者退惟前賢著述

鮮有論及此者院中攜書不多無可詳覈寒
家先世太尉廟塋五世連壟頗依族葬之法
今以趙圖證之如第一穴如淵翁墓其祔者
二世君靜三世景寅四世菊莊皆以昭穆如
第二穴養素翁墓其祔者三世景行景訓兄
弟分列左右不以昭穆而四世公美公節五
世惟中又以昭穆又如如淵翁子二人長子
君靜祔於右養素翁爲次子在如淵翁墓左

墓

亦不以昭穆又墓以西爲上與趙圖祖墓居
中者不同諸祔者各從其考與趙圖諸孫不
分何房所出者不同儀吉知識庸下未習於
禮先世在明初耕且讀養素翁始列庠序是
墓何代營建家譜未詳當日曾否博訪通儒
預定規制年遠亦不可得知然自宣德成化
間莫安窀穸至今四百餘年春秋時事後裔
祇肅以將未之有闕自非有合於天理之正

人情之安無繇及此謹依寫墓圖並註明族屬奉呈清覽以備采擇至吾兄前日所言崇安公兄弟行從於祖考墓兆左右並列俱爲正穴今已松檟成行不欲於南更置新冢使前有所蔽今按之趙圖意正如此蓋趙圖不詳前後惟有南北耳其言曰凡昭穆之墓每一列自墓分心南北相去各九步然則昭穆自爲一列所謂自墓分心者昭穆之墓耳所

五

謂南北者左右之南北耳自不當在正墓之前更置墓也又云東西不可預分蓋人數多寡難於前定然則閣下但當於墓道東西擴充地域以俟它日相其位之所宜體量行之可耳族姪汝翔入邑庠

道光二十年庚子五十九歲

七月十二日服除越八日承重汝笏歿無子

籤掣

不孝汝筠

第三子慶榕承繼八月入

觀二十五日奉

上諭周

著補授太僕寺卿欽此同日奉

上諭黃爵滋現在出差刑部右侍郎著周

署

理欽此十一月二十九日奉

上諭周

著補授刑部右侍郎欽此並奉

派主稿

道光二十一年辛丑六十歲

上諭周三月十三日奉

堯

上諭周

著補授廣西巡撫馳驛前往欽此陞

辭出都從父安之公同行五月十五日至廣

西省城接印任事照例兼銜並另兼節制通

省兵馬銜是月六孫慶階生次男汝箴庶出

六月祥符河決廣西傳聞失實適

不孝汝箴

馳稟河決南岸汴城當衝無妨府君甚慰從

父安之公歸汴八月彙奏續獲舊案刼搶結

拜逸犯八名九月

不孝汝箴

送眷口赴桂林

時值府君患腿疾數日始痊

道光二十二年壬寅六十一歲

正月遵例爲次男汝箴報捐教諭五月彙奏
續獲舊案刦搶結拜逸犯九名六月奏捐河
南河工城工等項經費銀一萬兩奉

賞隨帶加五級七月爲長孫慶益完娶十一月七
孫慶揚生次男汝箴庶出

道光二十三年癸卯六十二歲

卒

四月次女歸道光己亥科鄉魁歸安俞香屏
名光會七月錢公心壺因查庫賠款遣長子

孝廉名寶惠四子茂才名彝用至粵府君爲

助繳數成閏七月彙奏續獲舊案刦搶結拜

逸犯十四名八月奏請將外匪加等定擬其

畧曰粵西地處邊陲民謠錯雜陸路遼闊河

道綿長而梧州平樂潯州南甯鬱林等府州

屬均與粵東緊連匪徒時時出沒查粵西民

風素稱安分近來搶劫訛詐結拜之案層見疊出而所獲各犯籍隸廣東者居多推原其故由於廣東辦理洋盜例嚴法密該匪等每由岔河偷入西省勾結土匪土棍爲搶爲劫節經於各緊要處所設有巡船卡房派撥兵役顧募壯丁巡查並派委文武專司督緝但匪徒分潛荒僻岩崗乘間出而劫掠甚有持械拒捕箴法逞兇貽害地方實非淺鮮雖節

空

經獲犯各按本律本例隨時懲辦而若輩獷悍性成仍復呼朋引類擾害如前若不從重懲治不足以除奸宄而靖地方云云是年正科鄉試八月監臨文闈十月監臨武闈是冬腿疾復作久始漸平

道光二十四年甲辰六十三歲

三月具摺請

覲奉

硃批下屆再行奏請欽此四月彙奏續獲舊案劫
搶結拜逸犯十二名六月附片奏再臣於六
月初風聞湖南耒陽縣地方有匪徒抗糧聚
衆情事當卽密委營弁星夜前赴該省查探
旋於十六十七等日據桂林府屬全州知州
黃作霖署全州營叅將西林先後稟報探聞
湖南耒陽縣匪徒段陽二姓等於五月內因
抗糧聚衆攻城滋事拒傷官兵現經湖南巡

奎

撫提督帶兵親往衡州勦辦連次將匪徒擊
敗退至距城一二十里各鄉村屯聚未散該
州現已會營分帶兵役前赴與楚省交界各
處所嚴密巡防等情並據委赴湖南查探之
營弁稟同前由臣查奸民抗糧滋事烏合之
衆無難立時撲滅且未准湖南撫臣咨會防
堵自必辦有把握惟粵西與楚省壤地緊接
耒陽至全州雖中隔衡陽祁陽零陵等縣但

水陸道途處處可通現經官兵進剿勢必紛
紛四散潰逃難免不竄入粵境亟應先事防
拏現復札委候補通判陸恩燾並咨會提臣

飭委護提標後營遊擊周彪炳馳往全州會
同查辦並嚴飭與楚省交界地方各文武分
派員弁多帶兵役前赴各要隘不動聲色無
分兩夜實力嚴密巡防堵緝遇有楚省匪徒
竄入立即擒拏解究毋許縱漏亦不得稍事

奎

張皇驚擾居民現據全州具稟各要口防範
謹嚴邊界居民極爲安靜等情除咨會督臣
一體飭防外理合附片奏

聞奉

硃批是欽此又奏獲劫盜十二名七月爲次孫慶
杭完娶十月八孫慶平生次男汝箴庶出

道光二十五年己巳六十四歲

二月彙奏續獲舊案劫搶結拜逸犯十六名

三月奏獲行劫越南兵船及護送委員船隻
盜犯四十二名四月奏獲四川教匪五名十
一月八孫慶平殤

道光二十四年丙午六十五歲

二月腿疾復作四月彙奏續獲舊案劫搶結
拜逸犯十名五月九孫慶端生

不孝汝筠出

是月三孫女生次男汝箴庶出六月陳瀚因
妻病並謂女病將長孫婦挈回紹興七月以

六

腿疾難愈具摺請

賞假一月巡撫關防委交藩司暫護假滿不能速

痊九月奏請開缺十一月自桂林起程回籍

十二月長曾孫恭惠生長孫慶益出陳瀚挈
妻女行至無錫長女舟次生男可見非病而

陳瀚執迷不悟

道光二十七年丁未六十六歲

二月朔到汴戚屬某身故頗遺債累一子尙

幼日被登門偏索府君歸里悉爲償訖五月
長孫慶益天八月次孫慶杭天九孫慶端殤
道光二十八年戊申六十七歲

二月捐助卹發粥廠經費制錢二千串六月
次男汝箴選授西平教諭

道光二十九年己酉六十八歲

府君以

不孝汝筠

會試報罷六次並且字跡

拙劣縱或倖中斷難入選飭由順天議敘就

室

職知縣是年正月選授江西武甯縣知縣三
月出都乞假省覲府君命詣鄱陵省墓并至
汝箴西平學署小住回汴爲出繼孫慶榕完
娶假期已踰府君飭催赴任曩因考試睽違
親顏近祇數月久亦不過歲餘今出仕久暫
難必利鈍難知叩別之頃涕泗殊不能忍是
秋稟聞接印族姪汝恂入郡庠是冬爲
不孝
汝策聘定錢公心壺孫女候補刑部司務謙

山公名尊煌女十二月伯兄嫂邵恭人卒

道光三十年庚戌六十九歲

正月下旬驚聞

大成廟升遐二月初二日扶病登程奔赴京師叩謁

梓宮二月十九日至京赴禮部具呈爲呈請代奏

事竊某係河南祥符縣人現年六十九歲由

嘉慶戊辰科進士改庶吉士授職編修歷司

業中允侍講道光元年授四川鹽茶道升浙

奏

江按察使廣西布政使江西湖北巡撫丁憂

服闋補太僕寺卿歷刑部右侍郎廣西巡撫

二十六年因腿疾奏准開缺回籍調理茲驚

聞

大行皇帝龍馭上賓泣念三十年參養深恩當卽力

疾起程來京懇請叩謁

梓宮惟某年力就衰腿疾未痊現在步履蹇滯耳亦

重聽不敢具摺請覲

天顏仰祈據情代奏籲懇

天恩准令於應行齊集之日在宮門外隨班匍

匍行禮庶螻蟻哀忱稍展萬一

云云

三月十

四日進內在

出入賢良門隨班行禮二十二日出京四月初
五日到汴有庚郵日記載此次抵京因長途
勞憊艱於出戶而相知憐其老病率先惠顧
相愛之誠視昔之貳秋曹持撫節殆有加焉

卷

自非古誼碩交豈易得此猿鶴牽夢驪駒在
門中心藏之何日忘之又出都前一日午飯
陶鳧薌家魏麗泉同坐鳧薌出所藏書畫見
示內畊烟散人山水小幅絕去筆墨痕跡平
生所僅見也晚歸寓知興潤齋叅贊見過潤
齋二十年前杭州舊侶因未悉住址無由走
訪今又交臂失之匆促脂轄不及往答殊爲
負負到汴聞錢公心壺病未及往視已歿甚

悼惜之是月長曾姪孫庚兒生出繼孫慶榕

出是年不孝汝筠以糧艘搭運捐米議敘加

知州銜並爲庶母請五品

馳封八月長曾姪孫庚兒殤表姪陳志桂入邑庠

咸豐元年辛亥七十歲

正月府君諭不孝汝筠以陳翰荒繆絕倫一

時未能強合四孫慶昌年長可爲先置側室

四月爲慶昌納妾新建王氏七月不孝汝筠

突

遣使慶祝府君七旬壽辰次男汝箴自西平

送考至汴俞香屏偕次女挈同外孫由湖州

至汴俱慶祝壽辰八月次曾姪孫辛兒生出

繼孫慶榕出九月不孝汝筠稟奉檄調

恩科鄉試闈差派充同考試官得傅子璘等十一

人十一月次曾姪孫辛兒殤

咸豐二年壬子七十一歲

四月不孝汝筠稟聞對調南康縣又稟五月

二十五日接印府君諭曰汝以脫離武甯之累爲幸文靜涵過汴則謂因何以首郡有漕之縣對調外府無漕之縣等語殆未計各縣費用不同也武雖稍優於康而入不敷出康不如武出入尙符耳四叔祖季華公一子爲從父邑庠生升之公諱之暉齒尊家貧前分義田多爲河決壓沙乃收回出課通許田二百畝有奇爲升之公養老九月三姪曾孫恭

堯

梅生出繼孫慶榕出是年股匪滋擾兩湖府君嚴飭實力籌防

不孝汝筠稟聞

縣事煩雜

不能專力練兵并且承平日久團練之舉衆極畏縮因思團練鄉勇並非常例公事乃派孫輩慶榕慶昌慶夏幫同督勇府君諭曰現值軍興各屬辦事虛實極易徵驗汝須實力審慎爲之從父靜甫公到康

咸豐三年癸丑七十二歲

府君諭

不孝

等以股匪於冬春揚帆連陷武

昌安慶金陵此皆省會也何以淪胥若是之
易惟賊先由大江下趨使大河南北一時震
動藉以畧知警備不至猝不及防猶爲不幸
之幸也五月中旬賊分由皖北竄撲汴城羣
情震駭紛紛徙避適俞香屏會試報罷過汴
共守圍城汴中戚友多勸府君年高應須暫
避府君取紙筆書韻語二十四字曰臨難苟

卅

免義弗忍爲絕筆留示筠箴及篋

不孝汝策
先名汝篋

己未夏間府
君命改今名

勉哉立身勿爲我悲衆始不敢

再言圍城三日會天大雷雨賊多暴死又經
守城民勇屢出殺賊賊遂南北潰去府君捐
制錢一千串倡設汴城紳團局因年老不能
甚任勞役雖捐資創始而局中並不列名又
捐通許田十一頃以備餉糈次男汝箴在西
平教諭任所聞知汴城警信遣車探迎忽回

報行至尉氏探知朱仙鎮梗阻不能進並且
其時風鶴已漸及西平守土者定計祇有一
走汝箴與之力爭並爲籌設守禦之策固莫
顧學官言也汝箴發憤遂於五月二十三日
失血而殞汴圍甫解府君得汝箴凶信急遣
車接家口旋省適西平羣情惶惑城內走避
已空乃載汝箴柩及妻妾子女六口以歸是
役侯岡守墳人侯新德兄弟極出力所有積

圭

欠多年地租錢約近一千串府君悉與蠲免
十月爲不孝汝策完娶府君諭不孝汝筠汝

五月奉繳督康邑訓諫之勇援解上猶縣城
圍勦平股匪蒙獎以直隸知州卽補

賞戴花翎孫輩榕昌夏等俱獎文監生汝初次出
師倖而竣事得獎切須加慎

咸豐四年甲寅七十三歲

二月長曾孫女生四孫慶昌庶出是年秋府

君諭 不孝汝筠 汝上年七月復奉檄督勇擊

退贛縣攸鎮竄賊萬安良口踞賊克復萬安
縣城先經擬獎以知府用後因覆核改爲交
部議敘汴省當道有以克復鄰封城池僅止
交部議敘爲詫者然汝職司一邑期於保守
地方如果驟行超擢是借徑爲自己升遷計
豈不辜負地方切須加勉毋稍鬆勁是年冬
府君諭 不孝汝筠 汝稟閏七月奉檄督勇赴

圭

大庾梅嶺外防堵粵匪以防堵久暫難知詳
派孫輩督勇經南雄收借調防勇克復始興
縣城進兵援韶圍韶之賊見有兵至連夜遁
去康勇乃歸各等語團練鄉勇果能保守本
境已屬難得今汝以勤爲堵尤勝於畫地扞
守然汝僅一邑令力量輕微撥勇越勦糧餉
操自外省設或事急用汝事平爽約汝固無
如何而衆勇則惟知向汝問取事關興師動

衆必須詳審初非令汝區分畛域也汝試思之

咸豐五年己卯七十四歲

二月四曾姪孫恭虔生出繼孫慶榕出三月

次子婦袁孺人歿四月府君諭不孝汝筠汝

稟年前康勇旣歸賊復圍韶雄牧復有借兵

之舉汝卸縣事而與孫輩督勇援韶是汝以

進爲退特此次舉動較前爲鉅僅一州牧督

畫

兵一州牧籌餉殊未可恃九月府君諭不孝

汝筠

汝援韶幸竣事並先奉准以知府儘先

補用出力員弁查明請獎此皆出我望外惟

爲欠餉所累久羈南安旅寓此是我逆億偶

中也汝今事平而未能退又復投閒置散坐

視陣亡家屬及衆貧民一籌莫展亦殊悶損

不孝汝筠

稟母舅峻甫公長孫沈鶴清分帶

康勇攻剿泰和縣踞賊十二月十四日在城

下陣亡族姪汝恂幫增生

咸豐六年丙辰七十五歲

六月次孫女殤十月府君諭

不孝汝筠信豐

劉某來得汝八月書知前此來往各函大半
浮沈內有我由湖南轉寄長信述汴中近事
甚悉遺失可惜汝前因粵餉久羈南安嗣復
奉檄協防瑞袁檄未到而瑞袁臨己全陷吉
郡被圍並陷屬縣僅存龍萬二邑汝攻泰和

吉

以援吉並固南贛門戶不意喫緊之際糧餉
斷絕撤贛籌商贛紳中途留汝而贛勇忽他
途前進汝帶勇歸籌於康邑甫得五分之一
詎贛勇忽在泰萬界上遇賊潰回萬安龍泉
相繼失守贛南土匪蜂起愚民固易動而士
類叛附者且不少康紳急籲本府委汝於三
月十五日署縣接印逆黨亦爭先豎旗汝全
家嬰城固守諸孫奮勇戚友膽定者亦同心

協力潛約西鄉各團羣起殺賊轉危爲安自此民知敵愾大局保全我忭慰無似至汝以不能繞道援吉被劾是未計勇力之衆寡糧餉之盈絀及行軍之後路耳

咸豐七年丁巳七十六歲

五月五曾姪孫恭萬生出繼孫慶榕庶出閨五月長曾姪孫女生慶榕出府君諭

不孝汝

筠前閱邸抄知汝以勒平股匪開復矣今汝

妻

稟三月援解信豐縣城圍情形此是康邑新經一載鏖戰之兵又復選銳而往宜其得力

八月初六日

馳封張宜人卒得年三十有八府君年高

不孝汝

筠

服官在外值軍興不能速退全賴庶母在

家護持不意盛年摧折族姪孫衍恩入邑庠

咸豐八年戊午七十七歲

三月十孫阿俊生

不孝汝策

出凡育四十餘

日而殤九月不孝汝筠稟四年五年兩次援

粵出力併獎孫輩榕昌夏等俱得列獎并

賞戴藍翎又稟母舅峻甫公次子沈鏞因軍務積

勞於九月二十日病故

咸豐九年己未七十八歲

正月六曾姪孫恭興生出繼孫慶榕出三月

爲五孫慶夏完娶是年夏府君諭不孝汝筠

前得汝稟知戊午仲冬大股賊圍信豐連陷

美

南安府城崇義縣城蔓及上猶境內汝三面

受敵勢殊危殆汝稟語頗安定始而恐是欲

寬我心惟汝久不忘備則臨事一切布置自

非平空結撰今續稟上憲委汝兼辦府事二

月克復郡城平定猶崇並解信豐之圍此皆

仰賴神佑也復郡斂費苦力事旣竣而七年

勦賊各起出力併獎行知適到宜乎衆人混

爲復郡保獎也八月從父靜甫公歸汴九月

從父升之公卒子郡廩生汝恂監生汝恬以
既承分田又代購美木安葬今已事竣謹將
養老田呈繳府君謂曰汝等殆見我亦拮据
耳然我亦安忍視汝等窘乏田卽留給汝等
俟汝等寬裕時繳還可也十月諭 不孝汝筠
前者汝策喜談兵既又奮力於文我雖知其
專心然不能弗以家務役使乃得閒仍復苦
讀文頗有進今因持生母服本年小試及補

七

行前兩科鄉試均未能與茲爲報捐監生令
專力制舉十一月耐葬伯父暨伯母邵夫人
陳夫人於侯岡祖墓左始以祖墓未容多葬
擬俟另卜嗣因兵戈擾攘從伯叔父母均擬
耐葬祖塋遂同時安葬並議定汝字輩以下
不得耐葬免致叢雜三女許字寶坻李生德
埴係李聚五司馬林蔚東大令爲媒

咸豐十年庚申七十九歲

二月次曾姪孫女生出繼孫慶榕庶出三月
府君諭不孝汝筠汝因久辦康邑團防難於

徑歸欲迎我至康一遊並援大母高年愿赴
四川等省爲徵我在家悶損深願一遊且我
今尙未及大母自蜀赴浙之年特我體健旣
不及大母而今年蘇浙軍情甚急姑俟再商
是年八月部議各省官紳捐助京餉府君以
曾任巡撫捐不容緩惟乏現款亟售住屋不

夫

孝汝筠聞知擬設措一千兩由南康縣批解
江西藩庫搭解赴部未奉省批而家中業將
住屋賤價售得二千五百金以二千繳捐以
五百金將後屋及隙地半畝改作棲止街門
在西域人居巷九月次曾孫吉兒生五孫慶
夏出旋殤十二月族姪孫元昶入郡庠

咸豐十一年辛酉八十歲

三月二十七日移居西域巷新寓府君新居

閒筆云庾子山所謂蝸角蚊睫又足相容者
也回憶舊屋從前頗費經營茲因捐助軍資
賤價售去勉效綿薄輒成長句爲別云客燕
操泥入室頻等閒安宅付他人傾家未必堪
充餉祭竈何妨別請鄰早退本無疏傅樂後
亾聊慰鄭卿貧信陵臺館周王邸一様空花
莫認真又別庭中花木云臨行無語對羣芳
咫尺天涯暗自傷蘭畹金荃虛贈答雨絲風

堯

片牘淒涼紫雲豈必仍歸杜紅拂爭知舊屬
楊可惜好花如好婢枉拋詞客事牙郎又新
居閒筆記四月十三日同巷人因新宅落成
排日來賀餽食品者贈楹聯者且皆導以鼓
樂可謂情文並茂矣不圖陋巷中人乃爾多
情讀論語數十年今始知聖人欲居九夷之
意五月初八日新居閒筆記近年只餘一齒
邇來欲墮不墮幾廢飲啖前日居然脫去輒

賦小詩自嘲汴州有一我斗筭烏足算然猶
好高論諧笑寓月旦徒以有齒故頗爲衆所
訕今茲豁然空面目一朝換搖脣鎗無力掉
舌花不粲庶幾同流俗一鄉皆稱愿五月三
曾孫瞻兒生四孫慶昌庶出育百日塲

不孝

汝筠

遣使慶祝八旬壽辰章薊國之世兄章

笛帆以黔牧告歸回京因河北路梗在汴小
住新居閒筆記六月初四日笛帆謙山以余

全

誕日將近爲釀錢謀一日之歡辭之不獲適
靜甫弟來城欣然入局因就做居演劇一日
家居以來可謂第一幸事矣是日濃陰不雨
爽籟時生不復知爲炎序斯亦主人情重之
所致也漫成二律志感吾衰嗟已久槁頊幸
生存何意同心侶頻過倦客門雉踞循古禮
象板侑清尊下士聞應笑難爲薄俗論梓里
誰投贈苔岑此合并他鄉有親故高義到柴

荆小部虛庭集華簪陋巷迎重吟冥報句慎
勿哂淵明初七日表姪丹林從姪信如彥愉
復釀錢治具爲壽書生紙裏中物豈堪豪舉
且余方勞倦不堪久坐然諄諄之情不可卻
也遂復盡歡一日貧者之貨財老者之筋力
皆亾於禮者之爲禮矣七月初五日從姪端
木信如彥愉及信如全家俱來竟日因在制
中先期致祝也初六日笛帆謙山丹林來觀

全

劇夜分乃去薄暮靜甫弟自莊上來初七日
余八旬生日內外客來觀劇者不能悉記連
日欲雨不雨此尊客之福也九月次曾孫女
生五孫慶夏出十月十一孫慶飴生不孝汝
策出是冬府君諭不孝汝前於邸抄內見
汝得保薦奉

旨著吏部調取引見邸抄稱卽補道員知廣東協
勦仁化保獎已邀

恩准茲閱汝稟并知孫輩榕昌夏均獲進秩
賞換花翎惟前有克復南安府城各起某起已獎
單內未經敘明前後查閱殊不了悉後便詳
悉寄知今科河南鄉試臨時因寇警停止汝
策追求一試今復不果姑爲報捐國子監典
簿

同治元年壬戌八十一歲

正月

不孝汝筠

稟聞現奉委署南安府篆務

全

年前十二月初二日卸南康縣事新正月初二
日接南安府印康邑自咸豐八年十一月至
十一年四月辦理境外堵剿共十有一起請
獎者七起廣東奏一起省憲將九年克復南
安府城一起提出另奏茲於元夜奉到行知
不孝汝筠蒙交部從優議敘孫輩連七年以
前得獎現在孫慶昌係

賞換花翎候選同知直隸州知州五孫慶夏係

賞換花翎知府銜候選同知直隸州知州出繼孫
慶榕係

賞換花翎道銜候選知府三月又稟聞奉到行知
補授江西督糧道安屬士紳復有呈留之舉
殊覺且愧且歎計在康邑前後辦理九載疊
經危險幸皆力保無誤今以超遷舍去使邑
人之有敵愾固結心者一旦灰冷自問甚無
以對此義旅也六月又稟聞四月二十七日

全

卸南安府事五月得汝策書知淋症復發本
卽乞假歸省因有安屬呈留士紳尙在省垣
礙難遽請乃於六月十三日聊接糧道篆七
月十二夜接到家書述府君近證甚劇連夜
具稟乞假十三日俞香屏偕次妹並甥兒女
共六人避亂由浙到豫章一時悲喜交集府
君因不得次妹消息頗極憂慮今得平安到

賞此
此特惜無由捷速馳報上慰廬懷十九日卸

糧道事馳歸省視旋即聞訃驚悉府君已於
六月二十二日未時棄養嗚呼痛哉並有數
日前手書諭不孝汝筠病在膏肓和緩無能

致力况他人乎年逾八旬不爲夭死况臥病
半年今得脫離軀壳與長逝遊亦復何憾惟
念汝奉檄南行十有四年竟不能再見一面
始知己酉四月與汝泣別之日正吾父子緣
盡之日思之能勿慟乎不孝汝筠早歸兩月

尚

可及一見瞻狗遲誤抱恨終天不可爲人不
可爲子嗚呼痛哉又手書遺囑毋散訃毋開
弔毋延僧道誦經違者非我子孫棄養前一
時呼不孝汝策至前諭曰我病中神清心定

自覺一時尚可無妨今忽手內抽縮是欲脫
去汝試固執我手我今不能自草遺摺姑口
授報縣呈稿維時口齒已不甚晰不孝汝策
忍泣敬聽約畧具稿呈府君閱看謂就此亦

可遂不復言逾時長逝府君達觀先於四五
月閒戲令戚好各作輓聯最喜三聯茲謹附
錄表姪陳志桂聯錫福受恩深浩蕩春祺十
一軸珍藏義畫看花登第早眞靈秘籍廿八
科領袖仙班姻親李增祉聯頻番子舍送佳
音折展何知似謝傳羣推雅量隔歲甲科需
式宴承筐未逮惜龔生竟天天年姊甥王子
義聯里社晦高名珠樹羣才早藉貽謀成令

全

器詞場推老宿金梁一冊卽論餘事亦傳人

知安
音
採
一
綸
且
何

